

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH

<http://www.parlimen.gov.my>

HARI RABU, 12 FEBRUARI 2025, PUKUL 10.00 PAGI

Bil. 5

PERTANYAAN-PERTANYAAN BAGI JAWAB LISAN

1. PR-1541-L28043
Datuk Seri Utama Ir. Hasni bin Mohammad [Simpang Renggam] minta **MENTERI SAINS, TEKNOLOGI DAN INOVASI** menyatakan cabaran utama yang dikenalpasti dalam memastikan keberkesanan pelaksanaan Dasar Inovasi Sosial (DIS) di peringkat komuniti, terutamanya dalam merapatkan jurang ketidaksamarataan sosial dan ekonomi.
2. PR-1541-L28808
Dr. Siti Mastura binti Muhammad [Kepala Batas] minta **MENTERI PERTAHANAN** menyatakan :
 - (a) berapa bilangan anggota tentera wanita yang masih berkhidmat di dalam sektor darat, udara dan laut; dan
 - (b) berapa bilangan anggota tentera wanita yang dihantar ke misi kemanusiaan di peringkat antarabangsa.
3. PR-1541-L28248
Tuan Chiew Choon Man [Miri] minta **PERDANA MENTERI** menyatakan apakah status terkini usaha Lembaga Kelayakan Profesion Undang-Undang ke arah pengenalan suatu *Common Bar Course/Common Bar Exam* di Malaysia dan apakah langkah-langkah yang telah diambil sejak tahun lepas sehingga kini dalam usaha ini.
4. PR-1541-L28200
Dr. Hajah Halimah Ali [Kapar] minta **MENTERI PERPADUAN NEGARA** menyatakan :
 - (a) apakah Kementerian mempunyai garis panduan untuk jabatan dan agensi Kerajaan mengenai aktiviti yang melibatkan unsur keagamaan dan boleh mencetuskan ketegangan antara kaum; dan

(b) senarai jabatan dan agensi Kerajaan yang telah difahamkan mengenai isu kritikal ini.

5. PR-1541-L28195

Dato' Seri Dr. Wan Azizah Dr. Wan Ismail [Bandar Tun Razak] minta **PERDANA MENTERI** menyatakan langkah-langkah kerajaan untuk merancang pembangunan perumahan mampu milik di kawasan bandar seperti Kuala Lumpur, Putrajaya dan Labuan.

6. PR-1541-L28124

Tuan Azli bin Yusof [Shah Alam] minta **MENTERI PENDIDIKAN** menyatakan langkah proaktif yang diambil Kementerian untuk mengatasi isu-isu berkaitan kehadiran, keciciran dan akses pendidikan yang berkualiti bagi setiap kanak-kanak warganegara Malaysia tanpa mengira latar belakang sebagai komitmen berterusan meningkatkan kualiti sistem pendidikan negara.

7. PR-1541-L29174

Dato' Syed Abu Hussin bin Hafiz Syed Abdul Fasal [Bukit Gantang] minta **MENTERI PEMBANGUNAN USAHAWAN DAN KOPERASI** menyatakan jumlah bilangan koperasi yang ada di kawasan Parlimen Bukit Gantang serta perancangan yang telah dibuat oleh Kementerian untuk melipat-gandakan kejayaan koperasi-koperasi di dalam kawasan Bukit Gantang tersebut.

8. PR-1541-L28503

Dato' Mohd Isam bin Mohd Isa [Tampin] minta **MENTERI PERLADANGAN DAN KOMODITI** menyatakan usaha terbaharu yang digerakkan oleh Kementerian bagi menjadikan Malaysia sebagai pemain industri terbesar dalam pembekalan minyak kelapa sawit di Asia Tengah dan kembali dominan dalam pengedaran minyak sawit di Pakistan.

9. PR-1541-L28422

Tuan Mohd Nazri bin Abu Hassan [Merbok] minta **MENTERI SAINS, TEKNOLOGI DAN INOVASI** menyatakan sejauh mana Fasilitas Perkongsian Kemudahan dan Peralatan Saintifik Nasional (NSFE) telah dimanfaatkan setakat ini bagi menggalakkan aspek pemindahan teknologi dari segi perkongsian kemudahan dan kepakaran dalam komuniti STI di samping mempergiat kerjasama R&D dengan semua pemegang taruh.

10. PR-1541-L28921

Dato' Muhammad Bakhtiar bin Wan Chik [Balik Pulau] minta **MENTERI PELANCONGAN, SENI DAN BUDAYA** menyatakan apakah inisiatif Kementerian bagi membangun potensi karyawan muda dalam bidang penulisan, penerbitan, kebudayaan dan kesenian agar bakat baru ini dapat dimanfaatkan dan diketengahkan.

11. PR-1541-L28353

Tuan Ahmad Fadhli bin Shaari [Pasir Mas] minta **MENTERI DIGITAL** menyatakan hasil pemeriksaan sistem data peribadi di premis syarikat atau organisasi yang terlibat dalam pemprosesan data peribadi dalam transaksi komersial di bawah Seksyen 101 Akta 709, susulan daripada kejadian Prasarana Malaysia Berhad digodam.

12. PR-1541-L28652

Datuk Wetrom bin Bahanda [Kota Marudu] minta **MENTERI PEMBANGUNAN USAHAWAN DAN KOPERASI** menyatakan bagaimana pihak Kementerian dapat membantu meningkatkan penglibatan belia dalam sektor koperasi serta menjadikan koperasi sebagai sumber perniagaan alternatif terutama belia di kawasan luar bandar seperti kawasan Kota Marudu. Apakah ada program khusus dianjurkan oleh Kementerian kepada golongan belia ini.

13. PR-1541-L29042

Dato' Khliir bin Mohd Nor [Ketereh] minta **MENTERI PERTAHANAN** menyatakan mengapa Kementerian tidak melaksanakan pelarasan pencen veteran yang bersara sebelum 1 Januari 2013 terlebih dahulu sebelum Sistem Saraan Perkhidmatan Awam dilaksanakan ke atas pesara ATM di mana kini jurang pencen antara veteran yang bersara sebelum 1 Januari 2013 dengan selepas 1 Januari 2013 telah semakin besar.

14. PR-1541-L28078

Tuan Fong Kui Lun [Bukit Bintang] minta **PERDANA MENTERI** menyatakan pendekatan holistik yang diambil untuk membantu golongan miskin tegar di Kuala Lumpur keluar daripada kitaran kemiskinan.

15. PR-1541-L27654

Tuan Muhammad Fawwaz bin Mohamad Jan [Permatang Pauh] minta **PERDANA MENTERI** menyatakan langkah wasatiyyah yang diambil Kerajaan dalam mengendurkan perselisihan manhaj/firqah yang semakin meruncing dalam kalangan umat Islam khususnya dalam kalangan para asatizah dan agamawan.

16. PR-1541-L27812

Dato' Indera Mohd Shahar bin Abdullah [Paya Besar] minta **MENTERI PELANCONGAN, SENI DAN BUDAYA** menyatakan :

- (a) bagaimana Kementerian memanfaatkan kepengerusian ASEAN dan TMM2026 untuk menarik semula pelancong yang pernah mengunjungi Malaysia dan pelancong baru; dan
- (b) koordinasi dijalankan antara Kerajaan Persekutuan, Kerajaan negeri dan sektor swasta memandangkan persaingan produk pelancongan yang semakin meningkat dari negara jiran dan serantau.

17. PR-1541-L27841

Tuan Sabri bin Azit [Jerai] minta **MENTERI PENDIDIKAN** menyatakan adakah Kementerian bercadang untuk membentangkan laporan Pelan Pembangunan Pendidikan Malaysia 2013-2025 yang akan tamat pada tahun ini di Dewan Rakyat bagi menilai keberkesanan termasuk mencadangkan penambahbaikan untuk pelan baharu kelak.

18. PR-1541-L28059

Dato' Sri Dr. Wee Jeck Seng [Tanjung Piai] minta **MENTERI SAINS, TEKNOLOGI DAN INOVASI** menyatakan justifikasi pemilihan Worldcoin Foundation sebagai rakan kerjasama MIMOS dan MYEG Services bagi membangunkan pasport digital menerusi pengumpulan data peribadi secara biometrik dan sejauh manakah pemantauan Kementerian terhadap aktiviti servis pengeluaran tunai Worldcoin selepas pendaftaran biometrik tersebut dilakukan.

19. PR-1541-L27980

Datuk Che Mohamad Zulkifly bin Jusoh [Besut] minta **PERDANA MENTERI** menyatakan hasrat Kerajaan untuk mengehadkan kuasa budi bicara Peguam Negara untuk memberhentikan apa-apa prosiding kes yang telah lengkap perbicaraan melalui pindaan Perkara 145 (3) Perlembagaan Persekutuan.

20. PR-1541-L28098

Datuk Jonathan Yasin [Ranau] minta **MENTERI PELANCONGAN, SENI DAN BUDAYA** menyatakan daerah Ranau terkenal sebagai destinasi pelancongan dan untuk meningkatkan lagi status daerah ini sebagai pusat pelancongan maka apakah rancangan-rancangan Kementerian untuk memantapkan lagi industri pelancongan di daerah ini supaya industri pelancongan di daerah ini akan terus berkembang maju dan berkualiti.

21. PR-1541-L27948
Komander Nordin bin Ahmad Ismail TLDM (Bersara) [Lumut] minta **PERDANA MENTERI** menyatakan bilakah perancangan bangunan baru Angkatan Pertahanan Awam Daerah Manjung akan dibina.
22. PR-1541-L28429
Tuan Haji Manndzri bin Haji Nasib [Tenggara] minta **MENTERI PERLADANGAN DAN KOMODITI** menyatakan sebagai Pengerusi ASEAN, apakah wujud usaha untuk menyeragam harga komoditi khususnya getah bersama negara pengeluar utama seperti Malaysia, Indonesia dan Thailand supaya harga bermaruah dinikmati pekebun kecil kerana perbezaan harga menjadi antara punca harga rendah berdasarkan faktor pasaran niaga hadapan yang dikepalai oleh SICOM (Bursa Komoditi Singapura).
23. PR-1541-L28017
Tuan Zulkifli bin Ismail [Jasin] minta **PERDANA MENTERI** menyatakan status terkini projek pembinaan Kompleks Sekolah Menengah Integrasi Sains Tahfiz (SMISTA) milik Majlis Agama Islam Wilayah Persekutuan (MAIWP) di Bukit Jalil yang telah dirasmikan majlis pecah tanahnya oleh Perdana Menteri pada September 2024.
24. PR-1541-L28917
Dato' Muhammad Bakhtiar bin Wan Chik [Balik Pulau] minta **MENTERI PENDIDIKAN** menyatakan usaha Kementerian dalam mengurangkan lambakan beban tugas guru sehingga menyukarkan guru-guru untuk fokus kepada tugas mengajar anak murid.
25. PR-1541-L27966
Tuan Zakri bin Hassan [Kangar] minta **MENTERI PENDIDIKAN** menyatakan bilakah Sekolah Sukan Malaysia Perlis di Bukit Cabang akan menerima murid bagi pengambilan pertama dan memulakan proses PDP. Apakah bidang-bidang sukan yang dicadangkan di sekolah berkenaan.
26. PR-1541-L(5)00294
Puan Syerleena binti Abdul Rashid [Bukit Bendera] minta **MENTERI PENDIDIKAN** menyatakan :
- (a) apakah rancangan yang ada untuk menambah bilangan guru pendidikan khas yang berkelayakan dan memperbaiki sumber untuk pelajar dengan masalah pembelajaran; dan
 - (b) apakah insentif yang disediakan Kementerian untuk menarik lebih ramai guru berkelayakan ke bidang pendidikan khas.

[Pertanyaan di bawah PM 22(5)]

27. PR-1541-L28724

Datuk Wira Hajah Mas Ermieyati binti Haji Samsudin [Masjid Tanah] minta **PERDANA MENTERI** menyatakan mengenai pelaksanaan program Parlimen Belia yang sebelum ini di bawah Kementerian Belia dan Sukan (KBS) yang kini telah dipertanggungjawabkan kepada Parlimen Malaysia dan adakah pembaharuan ini akan memberi ruang yang lebih luas kepada belia untuk terus menyumbang kepada sistem demokrasi negara.

28. PR-1541-L28279

Dato Dr. Richard Rapu @ Aman anak Begri [Betong] minta **MENTERI PERLADANGAN DAN KOMODITI** menyatakan sokongan yang diberikan oleh Kementerian kepada industri hiliran untuk meningkatkan nilai tambah produk komoditi dan memperluas rantai bekalan serta keberkesanan sokongan ini dalam meningkatkan nilai eksport dan pendapatan negara.

29. PR-1541-L27734

Datuk Muslimin bin Yahaya [Sungai Besar] minta **MENTERI PEMBANGUNAN USAHAWAN DAN KOPERASI** menyatakan bilangan koperasi wanita bagi keseluruhannya serta berapa yang aktif dan berapa banyak koperasi wanita yang berjaya termasuk sumbangannya kepada perolehan Suruhanjaya Koperasi Malaysia (SKM). Apa usaha SKM untuk menggalakkan para wanita berkoperasi.

30. PR-1541-L28128

Tuan Haji Ahmad Johnie bin Zawawi [Igan] minta **MENTERI PENDIDIKAN** menyatakan berapa ramai calon guru asal Sarawak yang telah diambil dalam Inisiatif Pengambilan Guru Khas Sarawak baru-baru ini dan berapa orang guru yang dilantik dari kawasan lain serta mengapa kekosongan guru berkenaan tidak diisi sepenuhnya oleh guru-guru dari Sarawak.

31. PR-1541-L28463

Tuan Haji Kamal bin Ashaari [Kuala Krau] minta **MENTERI PENDIDIKAN** menyatakan perincian mengenai hasil kajian KPM tentang cadangan penyediaan elaun kos sara hidup untuk pelajar Tingkatan 6 serta elaun guru penolong kanan Tingkatan 6 bagi meringankan bebanan pelajar dan guru seiring dengan penjenamaan semula kolej pra-universiti KPM.

32. PR-1541-L28079

Tuan Fong Kui Lun [Bukit Bintang] minta **PERDANA MENTERI** menyatakan impak perjanjian antara Petronas dan PETROS terhadap pendapatan keseluruhan Petronas, termasuk sumbangan dividen kepada Kerajaan Persekutuan.

33. PR-1541-L27998

Tuan Zahari bin Kechik [Jeli] minta **PERDANA MENTERI** menyatakan :

- (a) jumlah yang telah disalurkan serta jumlah penerima mangsa banjir melalui peruntukan Wang Ihsan setakat ini; dan
- (b) nyatakan kos yang ditanggung oleh Kerajaan akibat bencana banjir baru-baru ini.

34. PR-1541-L29155

Tuan Chong Zhemin [Kampar] minta **MENTERI PENDIDIKAN** menyatakan jumlah murid yang tidak mengambil SPM akibat banjir dan adakah mereka dibenarkan ambil peperiksaan SPM kedua.

35. PR-1541-L27845

Tuan Sabri bin Azit [Jerai] minta **MENTERI PELANCONGAN, SENI DAN BUDAYA** menyatakan pendirian Kementerian dalam memperkasa pelancongan Islam untuk mempromosikan pelancongan, keindahan seni, budaya dan produk pelancongan berasaskan Islam menjelang Tahun Melawat Malaysia 2026.

36. PR-1541-L27909

Tuan Jamaludin bin Yahya [Pasir Salak] minta **MENTERI PENDIDIKAN** menyatakan senarai inisiatif baharu yang telah digariskan oleh KPM khususnya untuk mengatasi masalah malnutrisi yang dihadapi oleh murid sekolah di samping bantuan seperti RMT yang sedia ada mengambil kira kesannya terhadap kesihatan sepanjang hayat murid.

37. PR-1541-L27792

Tuan Haji Mohd Misbahul Munir bin Masduki [Parit Buntar] minta **MENTERI PENDIDIKAN** menyatakan apakah bentuk hubungan dua hala Kerajaan Malaysia dan Kerajaan Afghanistan dalam bidang pendidikan hasil lawatan Kerajaan Afghanistan baru-baru ini.

38. PR-1541-L29105

Datuk Seri Panglima Haji Mohd Shafie bin Haji Apdal [Semporna] minta **PERDANA MENTERI** menyatakan adakah Kerajaan bercadang untuk mewujudkan skim bantuan khusus yang diuruskan oleh satu agensi sahaja bagi membantu rakyat luar bandar dan pedalaman membina atau membaik pulih rumah yang terkesan dengan bencana kebakaran atau bencana alam.

39. PR-1541-L27919
Dato' Sri Ikmal Hisham bin Abdul Aziz [Tanah Merah] minta **MENTERI PERTAHANAN** menyatakan dari sumber manakah Syarikat Boustead Naval Shipyard (BNS) membayar ganti rugi kepada Syarikat Contraves Advanced Dynamics (CAD) berjumlah RM479.72 juta bagi membatalkan saman Syarikat CAD apabila BNS membuat keputusan menamatkan kontrak mereka.
40. PR-1541-L28606
Dato' Seri Hamzah bin Zainudin [Larut] minta **PERDANA MENTERI** menyatakan potensi ekonomi dan penerokaan yang akan dibangunkan Malaysia dalam kawasan Ambalat.
41. PR-1541-L28069
Tuan Ganabatirau A/L Veraman [Klang] minta **MENTERI PENDIDIKAN** menyatakan senarai sekolah baharu yang akan dibina di daerah Klang merangkumi sekolah rendah dan sekolah menengah, juga senarai Sekolah Jenis Kebangsaan Tamil (SJKT) termasuk SJKT kurang murid yang akan dipindah ke kawasan yang mempunyai kepadatan penduduk yang tinggi pada tahun 2025.
42. PR-1541-L28050
Ir. Ts. Zahir bin Hassan [Wangsa Maju] minta **PERDANA MENTERI** menyatakan :
(a) perancangan Kerajaan untuk menstruktur dan menyusun semula penjaja-penjaja tanpa lesen; dan
(b) adakah inisiatif untuk memperkasakan penjaja dengan mengenal pasti lokasi yang strategik dan bersesuaian seperti kawasan parkir yang kosong pada waktu malam.
43. PR-1541-L28649
Tuan Suhaizan bin Kaiat [Pulau] minta **MENTERI PEMBANGUNAN USAHAWAN DAN KOPERASI** menyatakan usaha kementerian untuk membantu IKS mempersiapkan diri dengan e-Invois pada 1 Julai 2025 dengan menyediakan satu platform penajaan invois IKS yang boleh berhubung dengan sistem MyTax bagi memudahkan semua pihak dalam rangkaian perniagaan ini melaksanakan sistem e-Invois.

44. PR-1541-L27899

Dato' Azman bin Nasrudin [Padang Serai] minta **PERDANA MENTERI** menyatakan status terkini siasatan kes projek terowong dasar laut Pulau Pinang yang melibatkan Ahli Parlimen Bagan, termasuk mengapa pendakwaan yang bermula pada 7 Ogos 2020 masih belum mencapai kesimpulan selepas hampir 4 tahun, serta nyatakan kos yang telah ditanggung.

45. PR-1541-L29124

Tuan Syed Ibrahim bin Syed Noh [Ledang] minta **MENTERI PERTAHANAN** menyatakan apakah mekanisme pemantauan yang disediakan untuk memastikan keberkesanan PLKN 3.0 dalam mencapai objektif yang ditetapkan, termasuk dari segi pengukuran impak kepada peserta selepas tamat program.

46. PR-1541-L28911

Datuk Haji Ahmad Amzad bin Mohamed @ Hashim [Kuala Terengganu] minta **MENTERI SAINS, TEKNOLOGI DAN INOVASI** menyatakan sama ada program AI dan keselamatan siber oleh Kementerian Digital bertindih dengan peranan MOSTI serta mekanisme penyelarasan yang dilakukan untuk mengelakkan pembaziran sumber.

47. PR-1541-L28127

Tuan Haji Ahmad Johnie bin Zawawi [Igan] minta **PERDANA MENTERI** menyatakan sejauh manakah status Perjanjian Malaysia 1963 (MA 63) bagi wilayah Sarawak telah dilaksanakan. Senaraikan tuntutan-tuntutan yang telah siap sepenuhnya dan yang masih lagi dalam perbincangan serta bilakah segala perkara yang terkandung dalam Perjanjian Malaysia 1963 dapat dilaksanakan sepenuhnya.

48. PR-1541-L29189

Tuan Ramkarpal Singh A/L Karpal Singh [Bukit Gelugor] minta **MENTERI PENDIDIKAN** menyatakan usaha-usaha Kementerian untuk menggalakkan pelajar-pelajar meneruskan pelajaran mereka selepas peperiksaan Sijil Pelajaran Malaysia (SPM) memandangkan laporan-laporan yang membimbangkan yang menunjukkan bahawa terdapat bilangan pelajar yang besar yang tidak meneruskan pelajaran mereka selepas SPM.

49. PR-1541-L27615

Tuan Kalam bin Salan [Sabak Bernam] minta **MENTERI PELANCONGAN, SENI DAN BUDAYA** menyatakan adakah Kementerian memberi anugerah, pengiktirafan dan pakej lawatan umpamanya kepada pengusaha homestay yang berjaya dengan cemerlang menguruskan perniagaan mereka supaya mereka lebih berdaya saing di peringkat nasional dan antarabangsa.

50. PR-1541-L28105

Dato' Verdon bin Bahanda [Kudat] minta **PERDANA MENTERI** menyatakan bilakah Kerajaan bercadang untuk memindah atau memansuh Akta Pembangunan Petroleum 1974 dan mengembalikan hak-hak negeri pengeluar minyak selaras dengan semangat penubuhan negara melalui Perjanjian Malaysia 1963.

51. PR-1541-L28933

Tuan Mohd Sany bin Hamzan [Hulu Langat] minta **MENTERI PERTAHANAN** menyatakan bagaimana program PLKN 3.0 dengan modul latihan yang merangkumi 70 peratus asas ketenteraan dan 30 peratus komponen kenegaraan dapat membantu memupuk perpaduan serta kesusilaan dalam kalangan pelatih daripada pelbagai latar belakang.

52. PR-1541-L28695

Dato' Sri Saifuddin Abdullah [Indera Mahkota] minta **MENTERI PENDIDIKAN** menyatakan langkah-langkah oleh Kementerian dalam meningkatkan penguasaan Bahasa Melayu sebagai bahasa ilmu, sains dan budaya memandangkan wujud kerisauan tentang penguasaan Bahasa Melayu di kalangan para pelajar.

53. PR-1541-L28174

Dato' Sri Doris Sophia anak Brodi [Sri Aman] minta **PERDANA MENTERI** menyatakan usaha Kerajaan menangani persepsi rakyat bahawa terdapat '*double standard*' dalam keputusan mahkamah, khususnya melibatkan individu berpengaruh atau mereka yang mempunyai hubungan dengan pihak berkuasa.

54. PR-1541-L28163

Tuan Haji Aminolhuda bin Hassan [Sri Gading] minta **PERDANA MENTERI** menyatakan apakah kemajuan yang telah dicapai oleh Pelan Transformasi Al-Falah setakat ini dan bagaimana kerjasama rentas agensi telah membantu memperkukuhkan pelaksanaan pelan ini.

55. PR-1541-L27600

Tuan Haji Onn bin Abu Bakar [Batu Pahat] minta **PERDANA MENTERI** menyatakan jumlah rumah kedai dan rumah kediaman yang telah siap dibina di Wilayah Persekutuan Kuala Lumpur yang masih kosong dan belum dijual serta langkah-langkah yang diambil untuk menangani isu ini.

56. PR-1541-L27783

Tuan Roslan bin Hashim [Kulim Bandar Baharu] minta **MENTERI PENDIDIKAN** menyatakan adakah pihak KPM merancang untuk menyediakan kemudahan padang bagi sekolah-sekolah yang tidak mempunyai padang bagi menjalankan aktiviti sukan.

57. PR-1541-L28449

Tuan Nurul Amin bin Hamid [Padang Terap] minta **MENTERI PENDIDIKAN** menyatakan usaha Kementerian untuk memastikan para pelajar khususnya di kawasan pedalaman memahami pendidikan seksual agar mereka tidak menjadi mangsa eksploitasi.

58. PR-1541-L27918

Dato' Sri Ikmal Hisham bin Abdul Aziz [Tanah Merah] minta **MENTERI PERTAHANAN** menyatakan berkenaan aduan Pakaian No. 5 Celoreng anggota Tentera Darat Malaysia yang sukar diperoleh serta mengapa kualiti pakaian ini agak kurang memuaskan dan hanya mampu bertahan singkat sekiranya digunakan oleh anggota ketika pelaksanaan operasi di hutan.

59. PR-1541-L29054

Dato' Khair bin Mohd Nor [Ketereh] minta **MENTERI PERTAHANAN** menyatakan apakah perancangan Jabatan Hal Ehwal Veteran (JHEV) dalam membantu veteran berpencen untuk mendapatkan rawatan yang sempurna di Hospital Kerajaan di bawah KKM. Sejak tahun 2017, semua rawatan di KKM mendatangkan masalah kepada veteran ATM yang berpencen kerana mengambil masa yang lama untuk mendapat kelulusan dari KKM.

60. PR-1541-L29205

Tuan Yuneswaran A/L Ramaraj [Segamat] minta **MENTERI PELANCONGAN, SENI DAN BUDAYA** menyatakan strategi yang sedang dibangunkan oleh Kementerian untuk mempromosikan pelancongan luar bandar tanpa membebankan komuniti tempatan dan bagaimana Segamat boleh memanfaatkan potensi ini sambil mengekalkan warisan alam dan budaya.

61. PR-1541-L28648
Dato' Rosol bin Wahid [Hulu Terengganu] minta **PERDANA MENTERI** menyatakan kedudukan kewangan Koperasi Permodalan Felda Malaysia Berhad (KPF) dari 2022 hingga 2024 dan jumlah pelabur KPF bagi tempoh sama.
62. PR-1541-L28416
Puan Teresa Kok Suh Sim [Seputeh] minta **PERDANA MENTERI** menyatakan :
- (a) apakah Kementerian mempunyai rancangan untuk membenarkan pelarian yang diiktiraf oleh UNHCR untuk bekerja secara sah di Malaysia sebagai langkah untuk mengatasi masalah kekurangan tenaga kerja di negara kita; dan
 - (b) apakah dasar Kementerian terhadap pelarian di negara kita.
63. PR-1541-L28739
Datuk Andi Muhammad Suryady bin Bandy [Kalabakan] minta **MENTERI PERTAHANAN** menyatakan adakah Kementerian bercadang untuk membangunkan industri pertahanan di Sabah contohnya membina kilang peluru dan senjata sebagai langkah mengurangkan kebergantungan kepada bahan senjata api import serta berupaya untuk memperkasakan aspek kedaulatan negara sekiranya Pantai Timur Sabah di ancam krisis keselamatan.
64. PR-1541-L27772
Puan Hajah Salamiah binti Mohd Nor [Temerloh] minta **PERDANA MENTERI** menyatakan :
- (a) berapa jumlah peruntukan yang telah disalurkan oleh ICU JPM kepada ahli parlimen Kerajaan bagi tempoh 2023 sehingga 2024; dan
 - (b) ke manakah disalurkan peruntukan pengurusan dan pejabat bagi setiap ahli parlimen pembangkang.
65. PR-1541-L28235
Puan Rodiyah binti Sapiee [Batang Sadong] minta **PERDANA MENTERI** menyatakan faktor-faktor yang menyebabkan Sabah dan Sarawak merekodkan prestasi perbelanjaan projek yang rendah di bawah Rolling Plan Keempat (RP4) RMKe-12 setakat Oktober 2024, dengan Sabah mencatatkan 46.7% dan Sarawak 54.43%. Apakah langkah serta komitmen Kerajaan dalam mempercepatkan pelaksanaan projek-projek di bawah RMKe-12, khususnya bagi Sarawak.

66. PR-1541-L28930

Tuan Hassan bin Saad [Baling] minta **PERDANA MENTERI** menyatakan usaha Kementerian terhadap kuarters kediaman penjawat awam Kerajaan yang ditinggalkan kosong dan terbiar serta langkah untuk memanfaatkan aset tersebut bagi keperluan masyarakat.

67. PR-1541-L28948

Tuan Roy Angau anak Gingkoi [Lubok Antu] minta **MENTERI PENDIDIKAN** menyatakan perkembangan terkini inisiatif penempatan guru melalui pengambilan khas untuk Sarawak oleh Suruhanjaya Perkhidmatan Pendidikan dan sejauh manakah ianya telah menyelesaikan isu kekurangan guru di Sarawak.

68. PR-1541-L28667

Tuan Tan Kok Wai [Cheras] minta **PERDANA MENTERI** menyatakan secara terperinci setiap lawatan rasminya ke luar negara dari bulan Disember 2022 sehingga Februari 2025 beserta dengan impak lawatan ini dari aspek ekonomi, politik, dan keselamatan negara.

69. PR-1541-L29063

Dr. Radzi Jidin [Putrajaya] minta **MENTERI PENDIDIKAN** menyatakan perincian mengenai pelaksanaan Malaysia-Singapore English Volunteers Programme (MSEVP) termasuk tempoh pelaksanaan perbelanjaan ditanggung Kerajaan atau Yayasan Guru Tun Hussein Onn, jumlah sekolah dan senarai sekolah terlibat untuk tahun 2025 dan 2026.

70. PR-1541-L27949

Tuan Syahredzan bin Johan [Bangi] minta **PERDANA MENTERI** menyatakan justifikasi dan keperluan pengenaan fi pembaharuan Perakuan Amalan Tahunan Guaman Syarie Wilayah-Wilayah Persekutuan sebanyak RM150 kepada peguam syarie walaupun yuran pembaharuan sebanyak RM200 telah pun dibayar kepada Badan Peguam Syarie yang mengakibatkan perbezaan layanan undang-undang di antara peguam syarie dan peguam sivil.

71. PR-1541-L28821

Datuk Wan Saifulruddin bin Wan Jan [Tasek Gelugor] minta **MENTERI DIGITAL** menyatakan pelan terkini Kerajaan dalam memastikan kelestarian dan kejayaan DNB sebagai syarikat yang sebahagiannya dimiliki oleh Kerajaan, seterusnya memastikan ada pulangan kewangan yang akan diberi kepada Kerajaan, terutama kini dengan adanya persaingan dari U-Mobile.

72. PR-1541-L28951

Tan Sri Haji Abdul Hadi bin Awang [Marang] minta **PERDANA MENTERI** menyatakan perincian mengenai status Jawatankuasa Penasihat Dasar Kepada Perdana Menteri (PMAC) termasuk senarai pencapaian di bawah jawatankuasa berkenaan setakat ini serta implikasi kewangan yang terlibat.

73. PR-1541-L28532

Tuan Haji Abdul Latiff bin Abdul Rahman [Kuala Krai] minta **PERDANA MENTERI** menyatakan adakah terdapat peruntukan yang disediakan bagi penyelenggaraan pasca banjir di setiap Pusat Pemindahan Sementara (PPS) terutamanya kepada sekolah-sekolah yang dijadikan PPS di seluruh negara.

74. PR-1541-L28317

Dato' Haji Ahmad bin Saad @ Yahaya [Pokok Sena] minta **MENTERI PENDIDIKAN** menyatakan usaha Kementerian meminda Seksyen 17 Akta Pendidikan bagi memastikan keseluruhan sekolah dalam negara menjadikan Bahasa Kebangsaan sebagai bahasa pengantar yang tunggal.

75. PR-1541-L27701

Dr. Ahmad Fakhruddin bin Fakhruddin [Kuala Kedah] minta **MENTERI PENDIDIKAN** menyatakan tindakan holistik pemerkasaan pemakaian Bahasa Melayu sebagai Bahasa Kebangsaan menerusi syor pindaan Akta Dewan Bahasa dan Pustaka (Akta DBP) 1959.

76. PR-1541-L28162

Tuan Ahmad Tarmizi bin Sulaiman [Sik] minta **PERDANA MENTERI** menyatakan pelan holistik untuk meningkatkan kedudukan dan taraf Mahkamah Syariah di Wilayah-Wilayah Persekutuan termasuk pelan pindaan Akta 355.

77. PR-1541-L28304

Dato' Dr. Ahmad Yunus bin Hairi [Kuala Langat] minta **MENTERI PENDIDIKAN** menyatakan :

- (a) apakah punca utama yang dikenal pasti menyebabkan lebih 10,000 calon tidak hadir menduduki kertas Bahasa Melayu peperiksaan SPM 2024; dan
- (b) bagaimana dengan status mereka dan apakah langkah intervensi yang telah dan akan diambil untuk menangani isu ini.

78. PR-1541-L29021

Datuk Haji Idris bin Haji Ahmad [Bagan Serai] minta **PERDANA MENTERI** menyatakan sejauh manakah JPM (Hal Ehwal Agama) telah mengadakan kerjasama dengan Kementerian Pendidikan Tinggi (KPT) dalam mengawal selia aktiviti dan program hiburan yang dilihat semakin melampau dalam kalangan mahasiswa.

79. PR-1541-L29047

Puan Isnaraissah Munirah Majilis [Kota Belud] minta **PERDANA MENTERI** menyatakan perbelanjaan sebenar jumlah peruntukan Pembangunan RM6.6 bilion yang diperuntukkan bagi Sabah untuk tahun 2024 dan daripada jumlah tersebut, berapa jumlah projek baru dan projek sambungan serta yang dilaksanakan oleh agensi pelaksana negeri dan pusat.

80. PR-1541-L29109

Dr. Kelvin Yii Lee Wuen [Bandar Kuching] minta **PERDANA MENTERI** menyatakan komitmen, tindakan dan garis masa Kerajaan mendedahkan Laporan Jawatankuasa Khas Pembaikan Sistem dan Undang-Undang Pilihan Raya (ERC) kepada umum dan melaksanakan syor-syor reformasi pilihan raya yang dicadangkan dalam Laporan ERC tersebut.

81. PR-1541-L29084

Tuan Lim Guan Eng [Bagan] minta **PERDANA MENTERI** menyatakan senarai kehadiran setiap Ahli Parlimen untuk Parlimen ke 15 setiap tahun sejak 2022, 2023 dan 2024, siapa yang mencatatkan kehadiran terbaik dan terburuk serta tindakan yang akan diambil untuk penambahbaikan peratusan kehadiran.

82. PR-1541-L29073

Tuan Mordi Bimol [Mas Gading] minta **PERDANA MENTERI** menyatakan pendirian Kerajaan Persekutuan terhadap kuasa perundangan Sarawak berdasarkan *Distribution of Gas Ordinance* (DGO), keselarasan dengan Akta Pembangunan Petroleum 1974 (PDA74) dan peranan Kerajaan dalam menyelesaikan pertikaian undang-undang antara Sarawak dan PETRONAS mengenai status agregator gas.

83. PR-1541-L29034

Tuan Prabakaran A/L M Parameswaran [Batu] minta **MENTERI PENDIDIKAN** menyatakan usaha yang diambil oleh Kementerian Pendidikan untuk memastikan semua sekolah bantuan Kerajaan dilengkapi dengan kemudahan teknologi yang mencukupi untuk menyokong pembelajaran era ini.

84. PR-1541-L28749

Tuan Rushdan bin Rusmi [Padang Besar] minta **MENTERI PEMBANGUNAN USAHAWAN DAN KOPERASI** menyatakan :

- (a) apakah status peruntukan bagi Program Tunas Usahawan Belia Bumiputera (TUBE) sebanyak RM20 juta dalam Belanjawan 2025; dan
- (b) inisiatif baharu menerusi Program TUBE untuk melahirkan lebih ramai usahawan belia Bumiputera dan adakah terdapat pendekatan unik yang diambil mengikut lokaliti dan zon.

85. PR-1541-L28555

Tuan Sivakumar Varatharaju Naidu [Batu Gajah] minta **MENTERI PENDIDIKAN** menyatakan penjelasan strategi jangka panjang Kementerian mentransformasi sistem pendidikan untuk menghadapi globalisasi, teknologi dan perubahan ekonomi. Bagaimana Kementerian mengintegrasikan pendidikan dengan inovasi, kepimpinan berasaskan nilai serta menangani ketidaksamaan pendidikan antara kumpulan demografik dan latar belakang sosio-ekonomi.

86. PR-1541-L27828

Datuk Seri Takiyuddin bin Hassan [Kota Bharu] minta **PERDANA MENTERI** menyatakan pendirian dan tindakan Kerajaan berkenaan isu kewujudan Titah Adendum sama ada wujud elemen sabotaj atau pengabaian serius terhadap pelaksanaan Titah Yang di-Pertuan Agong demi mempertahankan kedaulatan institusi Diraja serta integriti sistem pentadbiran negara.

87. PR-1541-L27596

Tuan Haji Onn bin Abu Bakar [Batu Pahat] minta **MENTERI PEMBANGUNAN USAHAWAN DAN KOPERASI** menyatakan penyertaan Perusahaan Mikro, Kecil dan Sederhana (PMKS) Bumiputera dalam sektor pertanian, pembinaan dan perkhidmatan sehingga tahun 2024, serta langkah memperkukuh penyertaan mereka.

88. PR-1541-L27894

Dato' Hajah Mumtaz binti Md Nawli [Tumpat] minta **PERDANA MENTERI** menyatakan justifikasi perbelanjaan anggaran RM16 bilion untuk sewaan helikopter berbanding kos RM9.8 bilion untuk menyiapkan Lebuhraya Pantai Timur Fasa 3 (LPT3).

ATURAN URUSAN MESYUARAT DAN USUL-USUL

1. **Dato' Indera Mohd Shahar bin Abdullah [Paya Besar]** akan mencadangkan :

“Bahawa suatu ucapan yang tidak sepatutnya dipersembahkan kepada Kebawah Duli Yang Maha Mulia Seri Paduka Baginda Yang di-Pertuan Agong, demikian bunyinya :

“Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih Titah Ucapan Kebawah Duli Yang Maha Mulia Seri Paduka Baginda Yang di-Pertuan Agong semasa membuka Penggal Keempat, Parlimen Yang Kelima Belas.””

Menyambung semula perbahasan atas masalah (6 Februari 2025)

- | | | | |
|----|-----------------|--|-------------------------------|
| 2. | (D.R.19/2024) | Rang Undang-Undang Mufti (Wilayah-Wilayah Persekutuan) 2024. | Bacaan Kali Yang Kedua |
| | | [Perdana Menteri] | |
| 3. | (D.R.62/2024) | Rang Undang-Undang BERNAMA (Pindaan) 2024. | “ |
| | | [Menteri Komunikasi] | |
| 4. | (D.R.63/2024) | Rang Undang-Undang Majlis Media Malaysia 2024. | “ |
| | | [Menteri Komunikasi] | |
| 5. | (D.R.47/2024) | Rang Undang-Undang Suruhanjaya Komunikasi dan Multimedia Malaysia (Pindaan) 2024 - Menyambung semula perbahasan atas masalah “Bahawa Rang Undang-Undang ini dibacakan kali yang kedua sekarang,” (10 Disember 2024) | |
| | | [Menteri Komunikasi] | |

6. PR-1541-U(27)369

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk merangka dan membentangkan sebuah perancangan jangka masa panjang untuk 30 tahun ke hadapan dalam mencorak masa depan dan hala tuju negara di mana setiap Rancangan Malaysia 10 tahun, lima tahun dan belanjawan negara akan diselaraskan berpandukan perancangan tersebut.

Walaupun terdapat dasar sedia ada, tetapi perancangan ini tidak cukup kukuh untuk merancang secara holistik dan menyelesaikan '*complexity*' kerana tempoh adalah singkat dan sederhana. Kerajaan boleh mencontohi negara serantau dengan menyelaraskan rancangan 5 tahun dengan strategi jangka panjang, di mana setiap pelan dan dasar harus selari dengan visi jangka panjang.

Penjajaran strategik ini akan meningkatkan daya tahan negara dan meletakkan Malaysia sebagai pemain berdaya saing di peringkat global. Setiap RMK seharusnya berfungsi sebagai batu loncatan untuk mencapai wawasan keseluruhan, membolehkan peruntukan sumber yang lebih berkesan dan responsif kepada cabaran yang muncul."

[Menteri Ekonomi]

7. PR-1541-U(27)370

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk menubuhkan jawatankuasa khas yang terdiri daripada pelbagai Kementerian untuk mengkaji mekanisme memastikan kemampanan sistem penjagaan kesihatan dalam negara.

Perkhidmatan kesihatan awam, yang sudah mengalami tekanan seperti peningkatan permintaan, had kewangan dan ketidaksamaan dalam akses kepada penjagaan. Jawatankuasa khas merentas Kementerian berperanan menangani kebimbangan ini dan meneroka mekanisme pembiayaan yang inovatif dan inklusif.

Dengan mengutamakan kemampanan penjagaan kesihatan, kita boleh memastikan penjagaan kesihatan yang berkualiti kekal dapat diakses oleh semua rakyat, tanpa mengira status kewangan mereka, di samping mengurangkan beban kewangan kepada Kerajaan."

[Menteri Kesihatan]

8. PR-1541-U(27)371

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk mengorientasikan semula dasar penyelidikan dan pembangunan (R&D) untuk memupuk inovasi yang lebih besar dalam syarikat dengan meningkatkan kerjasama dengan universiti.

Dengan mewujudkan hubungan yang lebih kukuh antara penyelidikan akademik dan industri, matlamatnya adalah untuk memacu lebih banyak inovasi yang dikomersialkan yang boleh bersaing di peringkat global.

Pada masa yang sama, Kerajaan perlu meningkatkan fungsi institusi penyelidikan Kerajaan dengan memudahkan pemindahan teknologi global dan membantu syarikat tempatan memanfaatkan teknologi termaju.

Dengan menyediakan akses kepada sumber teknologi sedia ada, Kerajaan membolehkan syarikat memanfaatkan inovasi ini untuk pembangunan produk dan pertumbuhan perniagaan, akhirnya meningkatkan kelebihan daya saing Malaysia dalam pasaran global."

[Menteri Sains, Teknologi dan Inovasi]

9. PR-1541-U(27)372

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan kertas putih strategi jangka pendek, sederhana dan panjang bagi menguatkuasakan peraturan yang lebih ketat mengenai penyelenggaraan kenderaan dan keselamatan muatan, meningkatkan pemeriksaan, dan mengenakan penalti yang lebih tinggi bagi pelanggaran peraturan jalan raya.

Statistik menunjukkan 825 kenderaan berat terlibat dalam kemalangan maut dalam tempoh sepuluh bulan pertama tahun ini, menyumbang kepada sebahagian besar daripada 17,905 kemalangan maut.

Latihan tetap untuk pemandu kenderaan berat, ditambah dengan keperluan pelesenan yang dipertingkatkan, akan memastikan amalan keselamatan jalan raya yang lebih baik. Pelaburan dalam infrastruktur dan teknologi jalan raya, seperti sistem keselamatan dalam trak, juga penting untuk meminimumkan risiko. Kempen kesedaran awam dan pengumpulan data yang lebih baik boleh menyasarkan lagi tempoh berisiko tinggi, seperti musim perayaan, untuk mencegah kemalangan dan meningkatkan keselamatan jalan raya secara keseluruhan."

[Menteri Pengangkutan]

10. PR-1541-U(27)384

Dato' Seri Dr. Shahidan bin Kasim [Arau] akan mencadangkan :

“Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan membolehkan penyelidikan yang agresif dibuat bagi menghasilkan benih padi baru di samping menyelesaikan masalah ketidakcukupan benih padi di pasaran. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia.

Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia dan Myanmar yang mempunyai tanaman baka padi yang berdaya komersial tinggi. Memohon pihak Kerajaan mengambil tindakan dengan kadar segera.”

[Menteri Pertanian dan Keterjaminan Makanan]

11. PR-1541-U(27)385

Dato' Seri Dr. Shahidan bin Kasim [Arau] akan mencadangkan :

“Bahawa Dewan Rakyat ini menggesa supaya Kerajaan mengambil langkah proaktif dalam menangani kes penderaan kanak-kanak yang berlarutan dan sehingga kini belum ada penyelesaian tuntas. Statistik Kementerian Pembangunan Wanita, Keluarga dan Masyarakat menunjukkan sehingga November 2023, kira-kira 1,069 kes penderaan kanak-kanak dilaporkan yang disebabkan oleh kecuaian ibu bapa dan penjaga.

Kanak-kanak adalah masa depan negara. Usaha menangani isu pengabaian dan penderaan kanak-kanak yang dilihat membimbangkan perlu ditangani secara menyeluruh dan membabitkan pelbagai pihak.

Lantaran itu, pihak Kerajaan wajar menangani pantas menghentikan kitaran dera ini dengan target ‘Dera Sifar’ menerusi langkah-langkah proaktif seperti mewajibkan kursus penjagaan anak, mewujudkan sistem pemantauan berkala serta meneliti semula undang-undang serta garis panduan yang berkaitan. Perkhidmatan dalam hal membabitkan perlindungan, pemulihan dan pemeliharaan kanak-kanak perlu diperkukuh dan direalisasikan. Memohon pihak Kerajaan mengambil tindakan dengan kadar segera.”

[Menteri Dalam Negeri]

12. PR-1541-U(27)386

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan makanan asas seperti beras tempatan, ayam dan telur ayam di pasaran.

Perancangan penyelesaian jangka pendek, jangka panjang yang komprehensif serta penguatkuasaan yang lebih 'keras' terhadap golongan kartel orang tengah antara faktor pengukuhan daya pengeluaran bekalan makanan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bekalan makanan.

Kerajaan tidak seharusnya melepaskan tanggungjawab menjaga keterjaminan bekalan makanan kepada pengguna sebagai *end user* mahupun menyarankan penyelesaian jalan mudah seperti menambah import makanan tetapi perlu mencari penyelesaian sepanjang rangkaian jaringan bekalan bahan makanan mentah bagi memastikan keterjaminan makanan (*food security*). Memohon pihak Kerajaan mengambil tindakan dengan kadar segera."

[Menteri Pertanian dan Keterjaminan Makanan]

13. PR-1541-U(27)387

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat situasi iklim yang tidak menentu serta kenaikan harga barang. Kerosakan tanaman dan kematian ternakan sering kali mendatangkan kerugian besar hingga jutaan ringgit setiap kali berlaku bencana alam.

Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka. Memohon pihak kerajaan mengambil tindakan dengan kadar segera."

[Menteri Pertanian dan Keterjaminan Makanan]

14. PR-1541-U(27)388

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia-Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia-Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan dron.

Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket pemerdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan.

Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan.

Mohon pihak Kerajaan memandang serius perkara ini dengan menyegerakan pembangunan tembok sempadan Malaysia-Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia-Thailand agar benar-benar berkesan menjamin keselamatan perbatasan negara. Memohon pihak Kerajaan mengambil tindakan dengan kadar segera."

[Perdana Menteri]

15. PR-1541-U(27)389

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan di peringkat negeri diberikan mengikut keutamaan dan keperluan Kerajaan Negeri. Berdasarkan pelan RMKe-12, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan.

Namun begitu, terdapat beberapa projek yang diluluskan oleh Kerajaan Persekutuan tidak mengambil kira cadangan dan hasrat Kerajaan negeri khususnya di Perlis untuk mempelbagaikan fungsi sesuatu projek sedangkan Kerajaan negeri mempunyai dasar serta hala tuju yang telah mengambil kira pelbagai keperluan dan kehendak semasa serta pada masa hadapan. Misalnya, Projek Lencongan Banjir Barat Timah Tasoh yang telah dilaksanakan pada tahun 2015, di mana dalam pembinaan terowong banjir terdapat skop pembinaan pada item pencahayaan di dalam terowong berjumlah RM300 ribu.

Namun, skop berkenaan telah dikeluarkan atas alasan penjimatan. JPS Perlis selaku pelaksana projek telah membangkitkan perkara ini supaya dikekalkan atas faktor keselamatan dan memudahkan kerja pemantauan serta penyelenggaraan di dalam terowong di masa hadapan. Akan tetapi, ianya masih tetap dikeluarkan daripada skop asal projek. Memohon pihak Kerajaan mengambil tindakan dengan kadar segera."

[Menteri Ekonomi]

16. PR-1541-U(27)390

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Kerajaan tidak boleh hanya memperkenalkan inisiatif yang hanya sekadar *rebranding* daripada Kerajaan sebelum ini kerana perubahan yang besar perlu dilakukan bagi mendepani kenaikan kos pembinaan disebabkan kenaikan harga barang binaan.

Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan memerlukan input dari pelbagai agensi dan Kementerian serta pihak bukan Kerajaan dan bukan dari satu Kementerian sahaja.

Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini juga akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40. Memohon pihak Kerajaan mengambil tindakan dengan kadar segera."

[Menteri Perumahan dan Kerajaan Tempatan]

17. PR-1541-U(27)391

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan bersikap adil dalam mengamalkan kebebasan media di Malaysia. Kerajaan tidak seharusnya menjadikan Suruhanjaya Komunikasi Multimedia Malaysia (SKMM) sebagai alat politik untuk menyekat mana-mana isi kandungan media yang tidak '*pro*' Kerajaan atau tidak sependapat dengan Kerajaan. YAB Perdana Menteri yang memerintah Kerajaan pada masa ini telah berikrar dalam manifestonya untuk memastikan hak kebebasan bersuara dan melindungi kebebasan media.

Namun, keadaan sebaliknya berlaku selepas beberapa bulan beliau membentuk Kerajaan. Lebih mendukacitakan, kebebasan media yang diwar-warkan Kerajaan hanyalah terhad kepada '*pro*' Kerajaan sahaja, manakala parti pembangkang secara halus dikenakan sekatan kepada akses media. Mana-mana media rasmi Kerajaan mahupun swasta tidak diberi kebenaran untuk menyiarkan berita mengenai parti pembangkang mahupun pihak yang menentang Kerajaan.

Oleh hal demikian, Kerajaan digesa supaya berlaku adil dalam menyalurkan maklumat kepada rakyat. Tindakan ini adalah penting untuk memastikan hak kebebasan media tidak dicabul sewenang-wenangnya oleh pihak-pihak tertentu. Memohon pihak Kerajaan mengambil tindakan dengan kadar segera."

[Menteri Komunikasi]

18. PR-1541-U(27)392

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan mengkaji semula kawasan masuk dan keluar sempadan Malaysia-Thailand di Wang Kelian, Perlis. Sebelum ini, penduduk kedua-dua negara boleh menikmati kemudahan bergerak sehingga dua kilometer tanpa menggunakan pasport atau pas sempadan pada hari minggu.

Kuatkuasa itu pernah dibuat bermula tahun 1993 hingga 2015. Akan tetapi, penarikan semula kemudahan kebebasan bergerak ini telah dibuat pada tahun 2015 kerana penemuan rangka manusia mangsa sindiket perdagangan manusia yang dipercayai etnik Rohingya.

Susulan itu, Wang Kelian menjadi pekan mati hingga kini. Kerajaan Negeri Perlis cuba membangunkan semula kawasan pelancongan di Wang Kelian, namun ianya tidak semeriah dahulu.

Justeru itu, Kerajaan diharapkan dapat mengkaji dan mempertimbangkan semula untuk memberi kemudahan bergerak di antara kedua-dua negara seperti sebelum ini. Dengan

kemudahan tersebut, ianya akan dapat menjana semula perkembangan ekonomi khususnya buat penduduk tempatan yang sebelum ini amat rancak sebelum ditutup sepenuhnya pada tahun 2015. Semasa adanya '*Free Flow*' ini, Wang Kelian merupakan satu destinasi pelancongan yang amat meriah dan telah memberi ruang kepada peniaga-peniaga kecil di Perlis dan juga Selatan Thailand menambahkan pendapatan mereka. Memohon pihak Kerajaan mengambil tindakan dengan kadar segera."

[Menteri Dalam Negeri]

19. PR-1541-U(27)393

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan mengkaji semula dasar sedia ada yang berkaitan Warisan Arkeologi Negara dan merangka satu pelan tindakan khusus bagi memartabatkan Warisan Arkeologi Negara yang ditemukan. Penemuan-penemuan arkeologi seperti artifak tembikar, seramik, lukisan purba, rangka manusia purba dan lain-lain artifak amat penting untuk dihayati dan dipelajari kerana data yang dihasilkan dapat membantu merungkai persoalan-persoalan tentang perkembangan hidup dan tamadun manusia silam.

Malahan, ia juga boleh dijadikan sebagai salah satu sumber rujukan pensejarahan negara yang utama. Akan tetapi masih banyak lagi tapak- tapak penemuan arkeologi yang ditemukan tidak dikaji sepenuhnya kerana beberapa faktor terutamanya kekangan kewangan hingga menyebabkan kebanyakan tapak tersebut ditinggalkan tanpa sebarang kajian menyeluruh mahupun pemeliharaan khusus.

Oleh yang demikian, Kerajaan melalui Kementerian Pelancongan, Seni dan Budaya (MOTAC) wajar mengkaji dan merangka satu pelan tindakan bagi memartabatkan Warisan Arkeologi Negara yang ditemukan supaya tapak-tapak arkeologi tersebut dapat dijadikan sebagai subjek kebanggaan dan identiti negara yang berbilang kaum dan agama yang boleh dihayati dan diambil iktibar.

MOTAC amnya boleh mengambil contoh kerangka tindakan daripada negara lain seperti China, Korea, Jepun dan Turki tentang kaedah-kaedah kajian, pemeliharaan dan pemuliharaan yang telah mereka berjaya lakukan melalui kerjasama strategik antara negara.

Hal ini juga sekaligus akan dapat menangani isu kemerosotan minat generasi muda terhadap Sejarah kerana generasi ini dilihat lebih cenderung untuk mengikuti perkembangan teknologi digital dan hiburan. Pembentukan generasi muda yang bakal menjadi pemimpin negara amat penting melalui pendekatan sejarah ini agar semangat kenegaraan atau cinta akan negara itu dapat dipupuk sebaiknya. Memohon pihak Kerajaan mengambil tindakan dengan kadar segera."

[Menteri Pelancongan, Seni dan Budaya]

20. PR-1541-U(27)394

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menyegerakan kelulusan dan penyaluran peruntukan pembangunan infrastruktur dan kemudahan terutamanya melibatkan penurapan tar di jalan-jalan yang menghubungkan laluan ke perkampungan Orang Asli dan memperbanyakkan pemasangan lampu jalan di Nenggiri, Kelantan.

Dalam Pilihan Raya Kecil (PRK) Dun Nenggiri baru-baru ini, pihak Kerajaan telah mengetahui bahawa kawasan tersebut memerlukan peruntukan pembangunan infrastruktur dan kemudahan yang menyeluruh khususnya di kawasan perkampungan Orang Asli seperti Pos Gob, Pos Tohoi, Pos Simpor dan Pos Pasik.

Oleh yang demikian, Kerajaan melalui Kementerian Kemajuan Desa dan Wilayah (KKDW) wajar mengambil perhatian dan tindakan segera terhadap kekurangan infrastruktur dan kemudahan di kawasan perkampungan Orang Asli di Nenggiri Kelantan kerana mereka juga adalah sebahagian daripada rakyat negara ini yang mempunyai hak untuk menikmati segala kemudahan yang disediakan kerajaan. Memohon pihak Kerajaan mengambil tindakan dengan kadar segera."

[Menteri Kemajuan Desa dan Wilayah]

21. PR-1541-U(27)395

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan Persekutuan melaksanakan pembayaran royalti petroleum kepada negeri Terengganu dan Kelantan sebagai komitmen dalam memastikan pengagihan hasil petroleum yang adil dan saksama.

Tuntutan ini adalah selaras dengan hak rakyat dan negeri sebagaimana termaktub dalam Akta Kemajuan Petroleum 1974. Kedudukan pelantar minyak juga bersetentang dengan kawasan perairan negeri Terengganu dan Kelantan. Prinsip Federalisme perlu dihormati dan dipatuhi Kerajaan Persekutuan dengan menunaikan hak yang dituntut oleh rakyat di kedua-dua negeri tersebut. Memohon pihak Kerajaan mengambil tindakan dengan kadar segera."

[Menteri Kewangan]

22. PR-1541-U(27)396

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan Persekutuan melaksanakan pembayaran Wang Ehsan kepada negeri-negeri di bawah pentadbiran Pembangkang. Pembangunan seimbang antara wilayah amat penting agar rakyat menikmati kemudahan infrastruktur dan kemudahan yang setara. Bantuan Wang Ehsan ini akan dapat membantu negeri-negeri tersebut melaksanakan agenda pembangunan dan kesejahteraan rakyat amnya. Memohon pihak Kerajaan mengambil tindakan dengan kadar segera."

[Perdana Menteri]

23. PR-1541-U(27)397

Dato' Seri Dr. Shahidan bin Kasim [Arau] akan mencadangkan :

"Bahawa Dewan ini menggesa Kerajaan Persekutuan memberikan sepenuh perhatian kepada Beting Patinggi Ali, yang juga dikenali sebagai Luconia Shoals, terletak di perairan Sarawak dan merupakan sebahagian daripada Zon Ekonomi Eksklusif (EEZ) Malaysia. Isu pencerobohan oleh kapal dan pesawat asing, terutamanya dari China telah menjadi persoalan rakyat memandangkan ia berkaitan dengan kedaulatan negara dan kepentingan awam. Sejak tahun 2013, Malaysia telah melaporkan pencerobohan berulang oleh kapal Pengawal Pantai China (CCG) di kawasan ini. Tuntutan China terhadap Beting Patinggi Ali dianggap tidak berasas kerana lokasi geografi kawasan tersebut yang lebih dekat dengan pantai Malaysia (84 nautica miles dari Miri) berbanding dengan tanah besar China (sekitar 1000 nautica miles).

Walaupun Malaysia menganggap Beting Patinggi Ali sebagai miliknya, Kerajaan masih berpendirian terdapat tuntutan bertindih dengan China. China menuntut sebagian besar wilayah di Laut China Selatan berdasarkan garis sembilan dash yang mereka tetapkan, yang telah ditolak oleh Mahkamah Permahan Tetap (PCA) pada tahun 2016. Keputusan PCA ini memberikan Malaysia posisi yang lebih kuat untuk menegaskan haknya di kawasan tersebut.

Untuk memastikan kedaulatan ke atas Beting Patinggi Ali, Malaysia perlu meningkatkan lagi kehadiran aset ketenteraan di kawasan tersebut bagi mengukuhkan tuntutan negara terhadap pulau tersebut dan mempergiatkan keberadaan Malaysia di pulau berkenaan. Mohon kerajaan untuk lebih tegas dalam pendiriannya di mana isu Beting Patinggi Ali adalah hak mutlak Malaysia sepertimana termaktub dalam Konvensi Bangsa-Bangsa Bersatu tentang Hukum Laut (UNCLOS) dan bukannya tuntutan bertindih dengan mana-mana negara asing. Memohon pihak Kerajaan mengambil tindakan dengan kadar segera."

[Menteri Pertahanan]

24. PR-1541-U(27)398

Dato' Seri Dr. Shahidan bin Kasim [Arau] akan mencadangkan :

"Bahawa Dewan ini menggesa Kerajaan Persekutuan memberikan hak royalti kepada negeri Kelantan yang tidak dibayar oleh Kerajaan Persekutuan sering kali menjadi perdebatan hangat, terutamanya berkaitan dengan alasan "lebih 3 batu nautika". Kelantan, sebagai salah satu negeri pengeluar minyak di Malaysia, telah lama menuntut hak royalti minyak yang sepatutnya diterima. Namun, Kerajaan Persekutuan berpendapat bahawa Kelantan tidak layak menerima royalti tersebut kerana kedudukan telaga minyak yang terletak lebih dari tiga batu nautika dari pesisir pantai negeri tersebut.

Kerajaan Persekutuan perlu menyemak atau meminda kembali istilah "tiga batu nautika" yang tidak pernah dinyatakan dalam perjanjian asal dengan Petronas. Berpendapat bahawa Akta 144 tidak menetapkan jarak tertentu untuk hak milik telaga minyak. Tambahan lagi, Telaga minyak yang dimiliki Kelantan terletak kira-kira 80 batu nautika dari pesisir pantai, dan terdapat dakwaan bahawa telaga-telaga ini berada dalam kawasan yang dipertikaikan antara Kelantan dan Terengganu. Ini menimbulkan persoalan mengenai keadilan dan keseragaman dalam pembayaran royalti, terutama apabila negeri-negeri lain seperti Terengganu menerima royalti walaupun telaga mereka juga terletak jauh dari pantai.

Dicadangkan penubuhan jawatankuasa bebas yang terdiri daripada wakil Kerajaan negeri, Kerajaan Persekutuan dan pakar undang-undang untuk meneliti semula perjanjian royalti dan isu-isu berkaitan. Ini dapat memastikan bahawa semua pihak terlibat dalam proses perbincangan yang adil dan terbuka serta mencari penyelesaian yang memuaskan kedua-dua belah pihak. Memohon pihak Kerajaan mengambil tindakan dengan kadar segera."

[Menteri Kewangan]

25. PR-1541-U(27)399

Dato' Seri Dr. Shahidan bin Kasim [Arau] akan mencadangkan :

"Bahawa Dewan ini menggesa Kerajaan Persekutuan untuk mempertimbangkan pembinaan jalan sempadan antara Malaysia dan Indonesia, khususnya di kawasan Sabah dan Kalimantan ini adalah penting untuk pelbagai aspek yang melibatkan ekonomi, keselamatan, dan pembangunan infrastruktur yang akan memulangkan hasil lumayan kepada Malaysia. Didapati bahawa jalan sempadan Malaysia – Indonesia ini akan meningkatkan kebolehcapaian antara kedua-dua negara, memudahkan pergerakan barang dan perkhidmatan. Ini akan merangsang aktiviti ekonomi di kawasan sempadan seperti Kalabakan dan Serudong, serta meningkatkan peluang perniagaan bagi penduduk tempatan.

Diingatkan, dengan pemindahan ibu negara Indonesia ke Kalimantan Timur (Nusantara), terdapat potensi besar untuk pertumbuhan ekonomi di kawasan sempadan. Pembinaan jalan akan membolehkan Sabah memanfaatkan perkembangan ini dengan lebih baik, termasuk dalam sektor pelancongan dan perdagangan rentas sempadan. Jalan sempadan ini dapat menghubungkan kampung-kampung pedalaman dengan bandar-bandar utama, memudahkan akses kepada pendidikan, kesihatan, dan peluang pekerjaan bagi penduduk di kawasan terpencil.

Pembinaan jalan sempadan Malaysia – Indonesia juga berpotensi memperkukuhkan hubungan sosial dan budaya antara masyarakat di kedua-dua negara. Ini termasuk pertukaran budaya melalui pelbagai aktiviti sosial dan ekonomi yang dapat dijalankan lebih mudah dengan adanya infrastruktur yang baik. Memohon pihak Kerajaan mengambil tindakan dengan kadar segera."

[Perdana Menteri]

26. PR-1541-U(27)376

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk segera memperbaharui dasar insentif kenderaan diesel komersial menerusi penetapan piawaian Euro 5 sebagai keperluan minimum menjelang tahun 2026 bagi menggalakkan peralihan yang lebih pantas terhadap penggunaan teknologi rendah emisi dan secara tidak langsung menyumbang sebagai penyelesaian jangka panjang dalam menjaga kualiti udara negara.

Pada ketika ini, negara-negara jiran telah mula mengorak langkah lebih ke hadapan seperti Singapura yang telah lama beralih kepada penggunaan Euro 6 dan Thailand yang menerapkan Euro 5 sebagai piawaian minimum sedangkan Malaysia hanya melaksanakan piawaian Euro 4 mulai Januari 2025 dengan pemberian insentif 50 peratus kepada semua kenderaan yang memenuhi piawaian tersebut.

Ketinggalan ini ternyata menjejaskan daya saing Malaysia di peringkat serantau di samping meningkatkan risiko kesihatan sejagat akibat pelepasan nitrogen oksida dan zarah halus.

Kerajaan wajar mempercepatkan peralihan ini bagi memastikan pengurangan pelepasan bahan pencemar selaras dengan Peraturan-Peraturan Kualiti Alam Sekeliling (Kawalan Kandungan Bahan Api Petrol dan Diesel) 2007. Penguatkuasaan yang ketat dan sokongan infrastruktur yang lebih baik menerusi kerjasama rapat Kerajaan bersama pemain industri perlu disinergikan untuk memastikan peralihan ini kelak berjalan lancar."

[Menteri Sumber Asli dan Kelestarian Alam]

27. PR-1541-U(27)377

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk segera mengkaji semula kadar pelepasan cukai untuk individu dan tanggungan yang kini masih berjumlah RM9,000 dan tidak pernah disemak sejak tahun 2010.

Setelah 15 tahun berlalu, inflasi telah meningkat dengan ketara dan amaun tersebut tidak lagi realistik jika dibandingkan kos sara hidup pada hari ini. Atas pertimbangan tersebut, Kerajaan wajar menaikkan amaun pelepasan diri dan tanggungan ke RM12,000 yang bersamaan dengan RM1,000 setiap bulan, bagi menggambarkan senario serta realiti sebenar kehidupan rakyat Malaysia pada hari ini.

Malah dengan peningkatan amaun pelepasan cukai untuk individu dan tanggungan ini secara tidak langsung akan membantu golongan B40 dan M40 yang amat terkesan dengan inflasi dan seterusnya mencerminkan keprihatinan Kerajaan dalam mengurangkan beban rakyat."

[Menteri Kewangan]

28. PR-1541-U(27)378

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk memartabatkan pengamalan Rukun Negara dalam menjadi tonggak identiti, perpaduan dan keutuhan rakyat Malaysia.

Mutakhir ini, negara disajikan dengan berita dan laporan mengenai kes- kes penyebaran ucapan kebencian, penghinaan dan provokasi yang berbaur perkauman, ketegangan kaum, penipuan dan penegasan unsur- unsur subversif yang berpotensi mencetuskan ketegangan antara kaum dan agama di Malaysia menerusi pengguna di platform media sosial.

Media sosial hari ini juga kian dipenuhi dengan lambakan sikap ketidaksopanan dan kebiadaban dalam perbincangan sehingga menjadi seperti satu kelaziman untuk para pengguna media sosial menggunakan bahasa kasar, lucah malah menyerang peribadi antara satu sama lain sehingga mengabaikan nilai kesopanan.

Hal ini mencerminkan kelemahan penghayatan nilai serta elemen Rukun Negara itu sendiri dalam kalangan rakyat Malaysia dan justeru itu, menjadi tanggungjawab Kerajaan untuk mewujudkan sebuah mekanisme yang lebih berkesan dalam menyuburkan pembudayaan setiap prinsip yang terkandung di dalam Rukun Negara sebagai penawar bagi menangani gejala kebejatan akhlak sebegini di platform media sosial. "

[Menteri Perpaduan Negara]

29. PR-1541-U(27)379

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk mengkaji semula cukai korporat Malaysia yang sehingga kini adalah antara yang tertinggi di Asia Tenggara iaitu sebanyak 24 peratus berbanding negara-negara jiran lain seperti, Singapura (17 peratus), Brunei (18.5 peratus), Cambodia (20 peratus), Vietnam (20 peratus), Thailand (20 peratus), dan Indonesia sekitar 21 peratus.

Perbandingan ini semakin jelas jika dilihat dengan situasi kadar cukai Amerika Syarikat (AS). Pada tahun 2016, cukai korporat mereka adalah sekitar 35 peratus, namun kini cukai korporat mereka telah turun sehingga 21 peratus manakala Malaysia kekal pada kadar sama iaitu 24 peratus sehingga sekarang.

Kadar cukai korporat yang tinggi ini ternyata melemahkan daya saing Malaysia untuk bersaing dengan negara-negara jiran bagi menarik tumpuan pelabur untuk melabur di sini.

Oleh yang demikian, Kerajaan perlu merangka satu kajian yang lebih komprehensif bagi menurunkan kadar cukai korporat ini agar setanding dengan kadar serantau untuk menjadikan Malaysia lebih kompetitif serta berdaya maju dalam meraih tumpuan pelabur antarabangsa yang akhirnya akan menguntungkan negara, peniaga dan rakyat jelata. "

[Menteri Kewangan]

30. PR-1541-U(27)380

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk memastikan kenaikan caj perubatan di hospital dan klinik swasta yang semakin mendapat perhatian di kebanyakan negara termasuk di Malaysia segera ditangani dengan baik oleh Kerajaan memandangkan implikasinya yang besar kepada para pesakit serta sistem kesihatan negara secara keseluruhannya.

Pelbagai faktor mendorong kepada isu ini dengan antaranya ialah kadar caj konsultasi doktor (GP) swasta yang dikawal oleh Akta Kemudahan dan Perkhidmatan Jagaan Kesihatan Swasta (PHFSA) 1998 tidak pernah mengalami sebarang perubahan selama lebih 32 tahun dan menyebabkan pihak terbabit terpaksa menaikkan caj kos operasi yang semakin meningkat, termasuk sewa premis, kos utiliti, peralatan perubatan serta perbelanjaan berkaitan teknologi dan sumber manusia telah meletakkan tekanan besar ke atas klinik swasta.

Situasi tersebut juga diburukkan lagi oleh isu berkaitan Pentadbir Pihak Ketiga (TPA) yang menguruskan pembayaran bagi pesakit yang mempunyai insurans kesihatan yang turut mengalami kenaikan.

Oleh yang demikian, Kerajaan digesa untuk meminda Akta Perkhidmatan Hospital Swasta bagi menetapkan kadar maksimum bagi caj rawatan selain konsultasi doktor, seperti caj penginapan dan penggunaan alat perubatan selain memperkenalkan sistem tiering seperti penarafan hotel bagi membezakan hospital berdasarkan tahap perkhidmatan, membolehkan syarikat insurans menawarkan pelbagai pakej berdasarkan akses kepada hospital tertentu, sesuai dengan kemampuan pelanggan serta mempergiat inisiatif di bawah kerjasama awam dan swasta bagi menyediakan rawatan mampu milik kepada golongan berpendapatan rendah. "

[Menteri Kesihatan]

31. PR-1541-U(27)381

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk mempertimbangkan semula keputusan Kumpulan Wang Simpanan Pekerja (KWSP) yang menjual hampir 10 peratus kepentingan saham ketika harga rendah selepas Disember 2022, sedangkan KWSP telah lama merancang untuk menambah lebih banyak saham Malaysia Airports Holdings Bhd (MAHB) untuk menswastakannya.

Pada 29 November 2022, KWSP telah memiliki 259,917,492 saham iaitu sekitar 15.67 peratus di dalam MAHB dan dalam tempoh satu tahun, KWSP telah menjual 163,363,080 saham, atau hampir 10 peratus kepentingan pada harga sekitar RM6.74 hingga RM7.70 sesaham. Manakala pada 28 Disember 2023 pula, akhirnya KWSP hanya memiliki 96,554,412 saham atau 5.79 peratus sahaja.

Penjualan sebegitu besar dalam tempoh singkat tidak pernah berlaku sebelum ini dan ini menimbulkan persoalan mengapa saham tersebut dijual pada harga rendah tetapi dibeli semula pada harga RM11.00 dengan implikasinya ialah KWSP akan terpaksa membayar tambahan sebanyak RM539 juta sehingga RM696 juta bagi membeli balik saham tersebut.

Justeru itu, Kerajaan digesa untuk mempertimbang dan mengkaji semula keputusan ini dengan lebih berhati-hati memandangkan perkara ini telah menimbulkan keresahan awam kerana membabitkan dana 16.1 juta rakyat Malaysia yang merupakan pencarum KWSP. "

[Menteri Kewangan]

32. PR-1541-U(27)382

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk kembali mempertimbangkan pelaksanaan Cukai Barangan dan Perkhidmatan (GST). Dengan mengambil kira implikasi ekonomi Malaysia yang pada masa ini berada pada tahap yang agak baik serta kestabilan Kerajaan Perpaduan pimpinan YAB Perdana Menteri yang semakin mengukuh, telah ramai pihak termasuklah penganalisis bank berpendapat sekarang adalah masa yang tepat untuk Kerajaan memperkenalkan semula GST.

Menerusi GST, Kerajaan berpotensi untuk meluaskan lagi asas cukai bagi mengurangkan defisit fiskal, mewujudkan ruang utama untuk pelaburan infrastruktur serta menghasilkan peluang bagi mengawal hutang negara dengan lebih baik. Malah, dengan pelaksanaan berperingkat e-invois bermula 1 Ogos 2024, yang juga merupakan antara komponen GST, telah memberikan ruang yang baik untuk Kerajaan melaksanakan kembali GST.

Malaysia tidak harus tertinggal di belakang negara Asia Tenggara lain yang telah melaksanakan GST seperti Indonesia yang melaksanakan Value Added Tax (VAT) pada 1985, Thailand pada tahun 1992 dan Singapura pada 1994 selain GST ini telah dilaksanakan di lebih 170 negara.

Kerajaan boleh menstrukturkan semula GST dengan lebih kemas melalui kerangka dasar yang komprehensif meliputi semua barangan dan perkhidmatan dengan sesetengah barangan boleh dikecualikan, selain satu kadar cukai yang dianggap positif. "

[Menteri Kewangan]

33. PR-1541-U(27)383

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk menimbangkan pengecualian daripada pengeluaran e-Invois kepada Perusahaan Mikro, Kecil dan Sederhana (PMKS) yang mempunyai jualan tahunan di bawah RM500,000 berbanding ketetapan semasa Kerajaan iaitu pengecualian untuk peniaga yang mencatatkan jualan tahunan bawah RM150,000 menjelang pelaksanaan menyeluruh e-Invois bermula 1 Julai 2025.

Pelaksanaan e-Invois ini ternyata telah mewujudkan kebimbangan dalam kalangan para pemain PMKS yang terpaksa menghadapi kekangan kos berikutan perbelanjaan yang tinggi bagi menyediakan sistem pengeluaran serta penyelenggaraan e-Invois di samping risiko margin keuntungan yang rendah.

Peningkatan siling pengecualian e-Invois kepada RM500,000 adalah lebih relevan seperti mana yang pernah dilakukan oleh Kerajaan ketika melaksanakan Cukai Barangan dan Perkhidmatan (GST) sebelum ini dan sekaligus mengurangkan beban lebih banyak segmen pemain PMKS seperti pengusaha yang berniaga dari rumah, ibu tunggal dan peniaga luar bandar yang terpaksa menanggung bebanan implikasi kos yang tinggi.

Oleh yang demikian, Kerajaan disaran untuk mempertimbangkan syor peningkatan pengecualian kepada RM500,000 ini bagi mengurangkan keresahan pemain PMKS dengan pelaksanaan e-Invois yang sebenarnya boleh dielakkan sekiranya Kerajaan memperkenalkan semula GST. "

[Menteri Kewangan]

34. PR-1541-U(27)373

Dato' Sri Dr. Wee Jeck Seng [Tanjung Piai] akan mencadangkan :

"Bahawa Dewan Rakyat ini menggesa Kerajaan untuk melaksanakan kajian secara holistik dan komprehensif bagi menghasilkan benih padi yang berkualiti serta mampu bertahan dalam keadaan perubahan cuaca ekstrem di Malaysia.

Kebelakangan ini perubahan iklim yang ketara telah menjejaskan hasil pengeluaran padi tempatan sebanyak 83,408 tan metrik bersamaan 5.84 juta 10 kilogram pek beras disebabkan oleh musim tengkujuh dan banjir. Penjadualan penanaman padi amat terdedah dengan bencana banjir di musim tengkujuh pada hujung tahun manakala musim penanaman semula padi pada awal tahun pula berisiko diancam keadaan cuaca panas melampau yang perlu diatasi dengan kadar segera.

Sehubungan itu, pihak Kerajaan perlu mengambil langkah yang lebih tegas dan efisien dalam menangani isu ini yang bukan sahaja bagi mempercepatkan pengagihan benih padi kepada pesawah supaya jadual penanaman padi tidak terganggu, malah pihak Kerajaan juga perlu membuat kajian yang teliti bagi menghasilkan benih padi yang lebih berdaya tahan dengan perubahan iklim di Malaysia."

[Menteri Pertanian dan Keterjaminan Makanan]

35. PR-1541-U(27)375

Dato' Sri Dr. Wee Jeck Seng [Tanjung Piai] akan mencadangkan :

"Bahawa Dewan Rakyat ini menggesa Kerajaan untuk menjalankan penelitian semula terhadap kajian bagi persediaan serta perancangan pelan pembangunan pendidikan jangka panjang bagi negara.

Mutakhir ini, kita telah dihabarkan pelbagai peristiwa yang menimbulkan kekusaran masyarakat terhadap ketandusan pembangunan modal insan negara ini terutamanya terhadap generasi baharu yang merupakan generasi yang bakal memimpin dan mentadbir negara tercinta satu hari nanti.

Situasi ini diburukkan lagi dengan statistik kegagalan para pelajar untuk menduduki Sijil Pelajaran Malaysia (SPM) yang hampir setiap tahun mencapai angka yang membimbangkan sehingga mencetuskan kebimbangan. Sejauh mana keseriusan generasi muda ini menilai kepentingan mendapatkan pendidikan untuk membina kehidupan yang lebih baik.

Dalam keadaan negara serantau yang kian pesat membangun, kesediaan dalam melahirkan modal insan menjadi sangat kritikal terutamanya bagi melahirkan generasi yang mampu berdaya saing dan mendepani cabaran serta persaingan dengan negara-negara serantau.

Oleh yang demikian, Kerajaan perlu mengambil pendekatan berstrategi menerusi pembangunan semula pelan pembangunan pendidikan yang lebih efisien bagi memastikan negara kita mampu untuk melahirkan pakej modal insan yang lengkap dan mampu berdaya saing."

[Menteri Pendidikan]

36. PR-1541-U(27)374

Kapten Dato' Dr. Zulkaferi bin Hanapi (Bersara) [Tanjong Karang] akan mencadangkan :

"Bahawa Dewan ini menggesa Kerajaan supaya melaksanakan segera Skim Pembiayaan Kesihatan Kebangsaan demi kepentingan kesejahteraan rakyat serta kemapanan dan kelestarian KKM itu sendiri.

Situasi semasa menunjukkan KKM sangat terbeban dengan belanja mengurus yang sangat tinggi iaitu sehingga 85.07% atau RM38 bilion daripada bajet keseluruhan KKM dan hanya 14.9% yang diperuntukkan untuk bajet pembangunan maka keadaan ini sangat tidak sihat untuk kemapanan dan kelestarian KKM itu sendiri.

Kelemahan, ketidakmampuan dan kegagalan KKM terlihat jelas dengan segala masalah-masalah yang sentiasa menjadi rungutan rakyat dan juga sering diangkat oleh ramai Ahli-ahli Parlimen - seperti kekurangan jururawat, kekurangan doktor dan doktor pakar serta masalah doktor kontrak, Kekurangan ambulans, ketiadaan ubat, alat-alat perubatan terlalu lama, klinik-klinik daif, hospital yang berumur lebih 50 tahun, hospital yang sesak, tiada sistem komputer, pesakit terpaksa menunggu terlalu lama.

Ketahuiilah permasalahan dan segala kelemahan KKM ini sebenarnya adalah manifestasi dari kekangan fiskal KKM itu sendiri. Keupayaan KKM dengan 14.9% bajet untuk Pembangunan adalah sangat-sangat terbatas dan ini boleh menyebabkan kualiti dan mutu perkhidmatan KKM terjejas dan terus dipersoalkan rakyat.

Dengan situasi begini adalah diharapkan penyelesaian segera dan menyeluruh dengan menubuhkan Jawatankuasa Bertindak bagi melaksanakan segera Skim Pembiayaan Kesihatan Kebangsaan."

[Menteri Kesihatan]

37. PR-1541-U(27)400

Datuk Seri Panglima Madius Tangau [Tuaran] akan mencadangkan :

"Bahawa Dewan Rakyat ini menggesa Kerajaan menerima kewujudan Seksyen (1) Perkara 112C Bahagian 4 Jadual Kesepuluh dan Seksyen (2) Bahagian 4 Jadual Kesepuluh dalam Perlembagaan Persekutuan serta penguatkuasaannya dan menerima hakikat bahawa hak ini adalah hak-hak Perlembagaan Rakyat Sabah.

Menerima juga hakikat bahawa kekeliruan dalam pelaksanaan hak-hak perlembagaan ini dan bahawa selama 44 tahun (1974 – 2018), kadar pemberian khas di bawah peruntukan tersebut gagal dikaji oleh Kerajaan Persekutuan.

Memperakui langkah-langkah yang telah diambil oleh pihak Kerajaan selepas penubuhan Kerajaan Pakatan Harapan 2018 sehingga kini iaitu bermula dengan menaikkan pemberian kepada RM53.4 juta, kemudian dinaikkan Kerajaan Perikatan Nasional ke RM125.6 juta, pada tahun 2023, dan kemudian Kerajaan Madani naikkan kepada RM300 juta dan baru-baru ini dinaikkan lagi kepada RM600 juta.

Dan menerima hakikat bahawa semua langkah-langkah ini bersifat sementara (interim) sebelum Kerajaan Sabah dan Kerajaan Persekutuan untuk melaksanakan hak Perlembagaan Rakyat Sabah sepenuhnya.

Menerima hakikat bahawa pelaksanaan ini mengambil masa begitu panjang sehingga sekarang iaitu negara Malaysia sudah berusia 61 tahun. Maka, Tuaran ingin mengusulkan supaya Dewan yang mulia ini membuat Keputusan untuk melaksanakan Hak Perlembagaan Rakyat Sabah ini secara tuntas termasuk meminda perkara 97(1) Perlembagaan Malaysia untuk membolehkan kerajaan Sabah memungut 40% daripada pungutan hasil Persekutuan daripada Sabah secara langsung."

[Perdana Menteri]

38. PR-1541-U(27)401

Datuk Seri Panglima Madius Tangau [Tuaran] akan mencadangkan :

"Bahawa Dewan Rakyat ini menggesa Kerajaan Menerima Sejarah perang saudara di Selatan Filipina pada awal 70-an yang mengakibatkan ribuan pelarian perang dari Filipina melarikan diri ke Sabah. Menerima hakikat bahawa Pertubuhan Bangsa-Bangsa Bersatu (PBB) melalui Suruhanjaya Tinggi Persekutuan Bangsa-Bangsa Bersatu Untuk Pelarian (UNHCR) telah turun padang dan membantu pelarian ini dengan mewujudkan sekurang-kurangnya lima (5) skim penempatan pelarian di Sabah (Telipok, Kinarut, Kampung Bahagia Sandakan, Kampung Selamat Semporna dan Kampung Hidayat Tawau).

Dan menerima hakikat Kerajaan Sabah telah bekerjasama dengan UNHCR sehingga mewujudkan sebuah bahagian di Jabatan Ketua Menteri untuk menguruskan penempatan UNHCR ini.

Menerima juga hakikat apabila setelah UNHCR menyerahkan penempatan ini kepada Federal Task Force di bawah Majlis Keselamatan Negara, terdapat keclaruan dari segi urus tadbir pelarian perang Filipina di Sabah, sehinggakan penempatan mereka telah bercampur aduk dengan mereka yang bukan pelarian yang menyebabkan banyak masalah dari segi urus tadbir kewarganegaraan dan pelbagai aspek bantuan kemanusiaan.

Menerima hakikat bahawa pelarian perang Filipina ini telah diberi pelbagai dokumen bermula dengan kad burung-burung, kad banci dan selepas itu dokumen IMM13 sehingga sekarang. Menerima juga hakikat bahawa pelbagai pendekatan untuk menaik taraf bentuk dan cara pengeluaran dokumen ini telah banyak dipolitikkan dan akhirnya kini tidak ada kata putus apakah dokumen baru yang diberikan kepada golongan pelarian perang Filipina ini.

Menerima juga hakikat bahawa satu Suruhanjaya Siasatan Diraja telah ditubuhkan oleh Parlimen Malaysia mencari penyelesaian tuntas terhadap kehadiran golongan pelarian perang Filipina di Sabah, namun itu pun telah gagal memberi apa-apa penyelesaian, Malah ramai yang menganggap langkah ini sebagai mainan politik semata-mata.

Oleh sebab itu, Tuaran mengesyorkan supaya Dewan yang mulia ini membahaskan masalah pelarian perang Filipina dengan mengambil kira bagaimanakah masa depan mereka yang kini sudah tiga generasi beranak pinak di Sabah sehingga Kerajaan dapat mengambil Tindakan yang tegas sebelum masalah ini menjadi lebih besar yang boleh menggugat kestabilan dan kedaulatan negara."

[Perdana Menteri]

39. PR-1541-U(27)402

Datuk Seri Panglima Madius Tangau [Tuaran] akan mencadangkan :

"Bahawa Dewan Rakyat ini menggesa Kerajaan Menerima hakikat bahawa kos pembekalan elektrik (penjanaan, penghantaran dan pengagihan) di Sabah adalah lebih tinggi daripada kadar jualan seunit elektrik menyebabkan Sabah Electricity Sdn. Bhd (SESB) mengalami kerugian dan terpaksa bergantung kepada subsidi sokongan tarif (TSS) daripada Persekutuan dengan kadar RM850 juta setahun.

Menerima juga hakikat bahawa Kerajaan perlu mengambil langkah-langkah bagi memastikan penjanaan elektrik mencapai 40% rizab margin dan kos pembekalan elektrik berada di bawah paras jualan untuk mengurangkan beban Kerajaan Persekutuan dalam menampung subsidi sokongan tarif (TSS).

Oleh itu, maka dengan ini Tuaran mengesyorkan agar Dewan yang mulia ini dapat membahaskan langkah-langkah yang boleh diambil sehingga Kerajaan dapat mencari jalan penyelesaian yang tepat untuk menstabilkan bekalan elektrik di Sabah."

[Menteri Peralihan Tenaga dan Transformasi Air]

40. PR-1541-U(27)403

Datuk Seri Panglima Madius Tangau [Tuaran] akan mencadangkan :

"Bahawa Dewan Rakyat ini menggesa Kerajaan Menerima hakikat bahawa import makanan negara masih lagi tinggi termasuklah makanan ternakan.

Dan menerima hakikat bahawa tanah yang masih luas untuk dimajukan sebagai tanah pertanian terdapat di Sabah dan Sarawak.

Menerima juga hakikat infrastruktur perhubungan masih lagi pada tahap yang rendah menyebabkan pelbagai usaha untuk meningkatkan keterjaminan makanan terhalang.

Maka itu, Tuaran mengusulkan agar Dewan yang mulia ini ditangguhkan untuk membincangkan langkah-langkah dalam mengatasi dan menaik taraf jalan-jalan pertanian di Sabah dan Sarawak."

[Menteri Pertanian dan Keterjaminan Makanan]

41. PR-1541-U(27)404

Datuk Seri Panglima Madius Tangau [Tuaran] akan mencadangkan :

"Bahawa Dewan Rakyat ini menggesa Kerajaan Menerima Hakikat bahawa kawal selia bekalan elektrik di Sabah telah pun diserahkan kepada Kerajaan Sabah daripada Kerajaan Persekutuan selepas Kelulusan Rang Undang-Undang Pihak Berkuasa Tenaga Boleh Baharu (Pindaan) 2023 (Akta 725) dan Rang Undang-Undang Pihak Berkuasa Pembangunan Tenaga Lestari (Pindaan) 2023 (Akta 726) dalam Dewan Rakyat pada 2023.

Menerima hakikat penyerahan kawal selia telah dimuktamadkan selepas Dewan Undangan Negeri (DUN) Sabah meluluskan tiga Rang Undang-Undang Perlembagaan Negeri Sabah pada 3 Januari 2024 berkaitan pengambilalihan kuasa kawal selia bekalan elektrik daripada Kerajaan Persekutuan membabitkan RUU Bekalan Elektrik 2024, Tenaga Boleh Baharu 2024 dan RUU Suruhanjaya Tenaga Sabah (Pindaan) 2024.

Dan menerima hakikat bahawa kawal selia bekalan elektrik di Sabah kini berada di bawah Suruhanjaya Tenaga Sabah (ECoS), manakala Wilayah Persekutuan Labuan masih di bawah seliaan Suruhanjaya Tenaga (ST) Malaysia.

Menerima juga hakikat bahawa Syarikat Sabah Electricity Sdn. Bhd. (SESB) merupakan satu-satunya Syarikat utiliti yang membekalkan tenaga elektrik kepada Wilayah Sabah dan wilayah Persekutuan Labuan.

Dan menerima hakikat bahawa geografi Labuan adalah lebih dekat dengan Sabah berbanding dengan Semenanjung Malaysia.

Justeru, Tuaran mengesyorkan agar Dewan yang mulia ini ditangguhkan bagi membuat keputusan pemindahan kawal selia bekalan elektrik Labuan daripada ST kepada ECoS bagi memudahkan pemantauan, meningkatkan kecekapan pengurusan serta mempermudah segala urusan dan menjimatkan kos."

[Menteri Peralihan Tenaga dan Transformasi Air]

42. PR-1541-U(27)405

Datuk Seri Panglima Madius Tangau [Tuaran] akan mencadangkan :

"Bahawa Dewan Rakyat ini menggesa Kerajaan Menerima hakikat Sejarah bahawa Pulau Labuan diserahkan oleh Kerajaan Sabah menjadi Wilayah Persekutuan dengan niat suci untuk tujuan membangunkan Labuan dengan pesat.

Menerima hakikat Kerajaan Persekutuan telah gagal membangunkan Labuan termasuk menyediakan utiliti bekalan air dan elektrik.

Menerima hakikat bahawa rakyat Labuan adalah juga rakyat Sabah yang masih terikat dengan adat istiadat Sabah dan oleh itu masih lagi memerlukan perkhidmatan sistem Mahkamah Anak Negeri dan seterusnya memerlukan bimbingan dan perkhidmatan di pelbagai agensi Kerajaan Sabah.

Menerima hakikat bahawa penyerahan Labuan sebagai Wilayah Persekutuan telah dibuat tanpa mengambil kira kesan terhadap persempadanan Sabah.

Dan menerima hakikat penyerahan Labuan sebagai Wilayah Persekutuan tidak diberi pampasan walau satu sen pun kepada Sabah.

Menerima hakikat bahawa Pulau Labuan terlalu dekat dengan Sabah dan penduduk serta rakyat Labuan mempunyai ikatan yang sangat kuat dengan penduduk Sabah.

Maka dengan itu, Tuaran menyusulkan di Dewan yang mulia ini agar Kerajaan Persekutuan mengembalikan semula Labuan kepada Sabah."

[Perdana Menteri]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2025</u>	<u>RISALAT/DOKUMEN</u>	<u>TARIKH DIBENTANGKAN</u>
ST. 8	AKTA JALAN PERSEKUTUAN 1959 Perintah Jalan Persekutuan (Sarawak) (Pindaan) 2024 P.U. (A) 17/2024 diwartakan pada 26 Januari 2024	12 Februari 2025
ST. 9	AKTA JALAN PERSEKUTUAN 1959 Perintah Jalan Persekutuan (Sarawak) (Pindaan) (No.2) 2024 P.U. (A) 19/2024 diwartakan pada 29 Januari 2024	12 Februari 2025
ST. 10	AKTA JALAN PERSEKUTUAN 1959 Perintah Jalan Persekutuan (Sarawak) (Pindaan) (No.3) 2024 P.U. (A) 79/2024 diwartakan pada 7 Mac 2024	12 Februari 2025
ST. 11	AKTA JALAN PERSEKUTUAN 1959 Perintah Jalan Persekutuan (Sarawak) (Pindaan) (No.4) 2024 P.U. (A) 145/2024 diwartakan pada 31 Mei 2024	12 Februari 2025
ST. 12	AKTA JALAN PERSEKUTUAN 1959 Perintah Jalan Persekutuan (Skim Felda) (Pindaan) 2024 P.U. (A) 144/2024 diwartakan pada 31 Mei 2024	12 Februari 2025
ST. 13	AKTA JALAN PERSEKUTUAN 1959 Perintah Jalan Persekutuan (Sarawak) (Pindaan) (No.5) 2024 P.U. (A) 156/2024 diwartakan pada 12 Jun 2024	12 Februari 2025
ST. 14	AKTA JALAN PERSEKUTUAN 1959 Perintah Jalan Persekutuan (Skim Felda) (Pindaan) (No.2) 2024 P.U. (A) 171/2024 diwartakan pada 27 Jun 2024	12 Februari 2025
ST. 15	AKTA JALAN PERSEKUTUAN 1959 Perintah Jalan Persekutuan (Sarawak) (Pindaan) (No.6) 2024 P.U. (A) 226/2024 diwartakan pada 29 Ogos 2024	12 Februari 2025

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2025</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST. 16	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No.10) 2024 P.U. (A) 288/2024 diwartakan pada 7 Oktober 2024	12 Februari 2025
ST. 17	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No.11) 2024 P.U. (A) 294/2024 diwartakan pada 15 Oktober 2024	12 Februari 2025
ST. 18	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No.12) 2024 P.U. (A) 315/2024 diwartakan pada 28 Oktober 2024	12 Februari 2025
ST. 19	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No.13) 2024 P.U. (A) 316/2024 diwartakan pada 28 Oktober 2024	12 Februari 2025
ST. 20	AKTA JALAN PERSEKUTUAN 1959 Perintah Jalan Persekutuan (Skim Felda) (Pindaan) (No.3) 2024 P.U. (A) 317/2024 diwartakan pada 28 Oktober 2024	12 Februari 2025
ST. 21	AKTA JALAN PERSEKUTUAN 1959 Perintah Jalan Persekutuan (Sarawak) (Pindaan) (No.7) 2024 P.U. (A) 337/2024 diwartakan pada 7 November 2024	12 Februari 2025
ST. 22	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No.14) 2024 P.U. (A) 352/2024 diwartakan pada 24 November 2024	12 Februari 2025

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2025</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST. 23	AKTA JALAN PERSEKUTUAN 1959 Perintah Jalan Persekutuan (Skim Felda) (Pindaan) (No.4) 2024 P.U. (A) 355/2024 diwartakan pada 25 November 2024	12 Februari 2025
ST. 24	AKTA JALAN PERSEKUTUAN 1959 Perintah Jalan Persekutuan (Sarawak) (Pindaan) (No.8) 2024 P.U. (A) 375/2024 diwartakan pada 4 Disember 2024	12 Februari 2025

****UCAPAN-UCAPAN
(PERATURAN MESYUARAT 17)
(KAMAR KHAS)**

Ahli Yang Berucap	Tajuk Ucapan	Menteri Yang Bertanggungjawab
YB Puan Rodziah binti Ismail (Ampang)	1. Penambahbaikan Dasar Bagi Protokol Pengubatan dan Rawatan Pesakit <i>Hemofilia</i> 2. Klinik Kesihatan Sedia Ada dan Cadangan Baharu dalam Parlimen Ampang	1. YB Menteri Kesihatan 2. YB Menteri Kesihatan
YB Tuan Muhammad Fawwaz bin Mohamad Jan (Permatang Pauh)	1. Banjir Kilat di Permatang Pauh 2. Membangunkan UTC	1. YB Menteri Peralihan Tenaga dan Transformasi Air 2. YB Menteri Kemajuan Desa dan Wilayah

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**